



Sakspapir

Sakshandsamar	Arkiv	ArkivsakID
Jan Torry Sande	FA-C20	20/493

Saksnr	Utval	Type	Dato
120/20	Formannskapet	PS	24.11.2020
	Kommunestyret	PS	

Framlegg til vedtak - temaplan for idrett- og friluftsliv 2021-2022 for Fedje kommune

Vedlegg:

Innspel til Temaplan for idrett og friluftsliv frå arbeidsgruppe for turløype.

Temaplan for idrett- og friluftsliv 2021-2020

Saksutgreiing:

Bakgrunn

Fedje kommune sin temaplan for idrett-, friluft- og fysisk aktivitet for 2021-2022 er utarbeida for å sikre ein effektiv og målretta kommunal ressursbruk innføre området idrett-, friluftsliv og anna uorganisert fysisk aktivitet. «Delplan for idrett- og friluftsliv 2000-2003» er ikkje rullert. I samfunnsdelen til «Kommuneplan for Fedje kommune 2012-2024» er idrett- og friluftsliv handsama under punkt **3.10 Kultur, idrett og friluftsliv**. Men det er sju år sidan kommuneplanen var vedteken, og mykje er gjort sidan 2013. Temaplanen er tenkt som ei oppsummering, og statusrapport, på felte idrett-, friluft- og fysisk aktivitet. Den har og ein handlingsdel, Handlingsplan 2021-2022, som skisserer nye tiltak. Tiltaka er delvis formulert som eit resultat av analysa av stoda i arbeidet med temaplanen, men er og tiltak formalisert i politiske vedtak.

Vurdering

Ein temaplan er ein strategisk plan om eit spesifikt tema. Tittelen på temaplanen handsama her viser klårt kva som er temaet. Idrett og fysisk aktivitet har positive effekter både for kvar enkelt og for samfunnet. Idrett og fysisk aktivitet er ei kilde til glede, overskot, fysisk- og psykisk meistring. Idretten rekrutterer breitt og er ein av samfunnets viktigaste inkluderingsarenaer på tvers av generasjonar og sosiale skillelinjer. Idretten handlar også om deltaking i sosiale fellesskap. Foreningar og klubbar er, gjennom si breie tilslutning i barnegruppa, er eit av sivilsamfunnet sitt viktigaste bidrag til trygge oppvekstvilkår.

Tilboda på Fedje er i stor grad organisert av idrettslaget. Nokre tilbod er i kommunal regi, og då gjerne organisert av fysioterapeut, medan andre igjen er heilt i privat regi. Templanen er ikkje eit uttømeleg oversyn over alle tilbod på Fedje. Den er likevel tenkt som eit oversyn over alle tilbod som er organisert av kommunen, eller er organisert av lag som mottek stønad frå kommunen. Det vert i denne samanhengen viktig å peike på at dei kommunale kulturmidlane vert nytta til å direkte stimulere til idrett- og fysisk aktivitet. Om Fedje kommune aukar potten på kulturmidlane, kan kommunen slik dele ut meir til lag som driv tilbod innan idrett- og friluftsliv. Fedje idrettslag har tradisjonelt vore det laget som har fått mest tildelt frå kulturmidlane. Laget har 102 medlemmer, i følge sist søknad om kulturmidlar. Fedje idrettslag organiserer i underkant av 20% av Fedje sine innbyggjarar. Dette er heilt fenomenalt, og viser kva idrettsrøysla betyr.



Fedje kommune

«Delplan for idrett- og friluftsliv 2000-2003» er ikkje rullert. I samfunnsdelen til «Kommuneplan for Fedje kommune 2012-2024» er idrett- og friluftsliv tema under punkt **3.10 Kultur, idrett og friluftsliv**. Temaplanen er tenkt som ei oppsummering, og statusrapport, over tilbod og anlegg på Fedje som er handsama i delplanen og kommuneplanen. Status er at svært mange av dei dei ønska tiltaka i begge planeane er gjennomført. Tiltak i desse planane omfattar først og fremst bygging og utbetring av anlegg og turstiar. Anlegg som har blitt bygd sidan 2000 er ballbingen og fleirbrukshallen. Fotballbana har fått krøllgrasdekke og flombelysning, og symjebassenget vart renovert i 2006.

Nordsjøløypene er eit av dei viktigaste folkehelsestilboda me har på Fedje. Bruken av løypene er svært stor, både av innbyggjarar og turistar. Vidareutvikling av løypene er sentralt i handlingsdelen av templanen. 24.10.2020 heldt Fedje kommune opning av dagsturhytta i Aurihopen. Hytta er Fedje kommune si siste investering innan idrett- og friluftsliv.

Ein templan har gjerne eit 12-årsperspektiv, og vert revidert kvart fjerde år. Kvar temaplan skal ta utgangspunkt i hovedmål og delmål frå kommuneplanen sin samfunnsdel, og innehalde oversyn over kva mål og strategiar temaplanen skal bidra med å nå. Denne temaplanen har eit kortare tidsperspektiv, og er avgrensa til 2021-2022. Det fleire årsaker det korte tidsperspektivet, men det er viktig å framheve to. Den første årsaka er at denne planen ikkje er heimla i kommunen sin planstrategi(k-sak 022/20). Den andre er at handlingsdelen i «temaplanen» ikkje legg opp til byggeprosjekt som tek lang tid. Det er difor ikkje naturleg at den har så lang tidsrekkevidde.

I handlingsdelen, Handlingsplan 2021-2022, handlar mange av tiltaka om vidareutvikling av eksisterande tilbod. Døme på dette er vidareutvikling av Fleirbrukshallen, Nordsjøløypene og fotballbana.

Folkehelse: Idrett og fysisk aktivitet har positive effekter både for kvar enkelt og for samfunnet. Tiltaka skissert i «Temaplan for idrett-, friluft- og fysisk aktivitet for Fedje kommune 2021-2022» vil verke positivt for folkehelsa.

Miljø: Tiltak som er skissert i handlingsdelen av temaplanen medfører arealbruk, og inngrep i naturen, og kan slik få konsekvensar for miljøet.

Økonomi: Det vert lagt opp til investeringar i handlingsdelen av planen som får konsekvensar for økonomien.

Konklusjon

Konklusjonen etter gjennomgang av måla i «Delplan for idrett- og friluftsliv 2000-2003», og punkt **3.10 Kultur, idrett og friluftsliv** i samfunnsdelen av kommuneplanen, er at svært mange av måla er nådd. Det er lenge sidan både «Delplan for idrett- og friluftsliv 2000-2003» og kommuneplanen var vedtekn, og det er difor naudsynt å gjere opp status og vurdere stoda.

Kommunen ønskjer å bidra til at innbyggjarane skal ha gode mogelegheiter til å drive med fysisk aktivitet. Ved handsaming av denne temaplanen er det likevel viktig å påpeike nokre grenser for kommunalt mynde. Fedje kommune har ikkje noko mynde over Fedje idrettslag sine tilbod, eller andre initiativtakarar innan idrett og friluftsliv. Om handsaminga av planen avdekkjer ønskjer og behov, kan ikkje Fedje kommune pålegge nokon å gjennomføre desse. Kommunen kan vere ein tilretteleggjar for bygg, baner, løyper og liknande infrastruktur. Unntaka er til dømes fysioterapitenesta eller kulturskulen, der det kan gjerast vedtak om tiltak.

Sidan dette er ein temaplan, kan kommunen setje høyringsfrist sjølv. Rådmannen er medviten den korte høyringsfristen. Planen vart lagt ut til høyring i perioden 29.10.2020 til 09.11.2020. Registrerte merknader til «temaplanen» ligg ved saka. Eg ønskjer å gå gjennom nokre moment i innkommen



Fedje kommune

høringsmerknader.

Det har kome ein merknad innaføre høyringsfristen. Slik eg forstår merknaden frå «arbeidsgruppe for turløype» ønskjer gruppa at gruslegging av resten av løypa mellom Træsnæset og Brurevatna delvis skal finansierast av spelemidlar. For at dette skal kunne skje må temaplanen utformast slik at tiltaka handsama i handlingsdelen vert kvalifisert for vurdering til finansiering ved spelemidlar. I tillegg må den omtala løypa tilfredsstillande registrerast i www.anleggsregisteret.no. Anleggsregisteret er Kulturdepartementet sin portal med oversyn over anleggsdata.

Forslag til vedtak:

Kommunestyret godkjenner vedlagte «Temaplan for idrett- og friluftsliv for Fedje kommune 2021-2022», med følgjande tillegg: Frå «arbeidsgruppe for turløype: Gruppa ønskjer at gruslegging av resten av løypa mellom Træsnæset og Brurevatna delvis skal finansierast av spelemidlar og difor må temaplanen må utformast slik at dette tiltaket er kvalifisert til å vere med i ein søknad om spelemidlar. I tillegg må løypa tilfredsstillande registrerast i www.anleggsregisteret.no

Formannskapet - 120/20

F - behandling:

F - vedtak:

Fedje kommune godkjenner vedlagte «Temaplan for idrett- og friluftsliv for Fedje kommune 2021-2022», med følgjande tillegg frå arbeidsgruppe for turløype: Gruppa ønskjer at gruslegging av resten av løypa mellom Træsnæset og Brurevatna delvis skal finansierast av spelemidlar og difor må temaplanen må utformast slik at dette tiltaket er kvalifisert til å vere med i ein søknad om spelemidlar. I tillegg må løypa tilfredsstillande registrerast i www.anleggsregisteret.no.

Samrøystes vedteke.